

ապացուցման փուլում որոշակի առանձնահատկություն, մասնավորապես՝ պատասխանողն է կրում գնումների գործընթացի՝ նորմատիվ իրավական ակտերով սահմանված պահանջների պահպանմամբ անցկացված լինելու փաստի ապացուցման պարտականությունը: Նման մոտեցումը Դատարանի համոզմամբ պայմանավորված է այն հանգամանքով, որ քննարկվող իրավահարաբերությունները կազմող ու կարգավորող փաստաթղթերը (կամ մեծամասնությունը) կազմվում, տրամադրվում և պահպանվում են գնման գործընթացի պատվիրատուների կողմից: Իսկ օրենսդրությամբ սահմանված ժամկետներում հակառակն ապացուցելու պարտականություն կրող մասնակցի կողմից այն պատշաճ չկատարելու դեպքում դատարանը ենթադրվող փաստը համարում է հաստատված, որն իր հերթին արդեն առաջ է բերում որոշակի իրավական հետևանքներ:

Սույն գործի փաստերի համաձայն՝ պատասխանողը, սահմանված ժամկետներում ու կարգով չներկայացնելով հայցադիմումի պատասխան, վերը նշված օրենսդրական կարգավորումների ուժով կրում է դրանցից բխող բացասական հետևանքների ռիսկը: Ուստի հիմք ընդունելով ապացուցման պարտականության վերը նշված նորմերը՝ Դատարանը եզրահանգում է, որ հայցվորի վկայակոչած փաստերը համարվում են հաստատված, իսկ հայցը ենթակա է բավարարման:

5.1. Դատական ծախսերի բաշխման հարցը: ՀՀ քաղաքացիական դատավարության օրենսգրքի 109-րդ հոդվածի 1-ին մասի համաձայն՝ դատական ծախսերը գործին մասնակցող անձանց միջև բաշխվում են բավարարված հայցապահանջների չափին համամասնորեն:

Հաշվի առնելով հայցը բավարարվելու հանգամանքը՝ Դատարանն արձանագրում է, որ սույն գործով պատասխանողից հոգուտ հայցվորի բռնագանձման ենթակա է 100.000 ՀՀ դրամ՝ որպես նախապես վճարված պետական տուրքի գումար:

Ելնելով վերոգրյալից և ղեկավարվելով ՀՀ քաղաքացիական դատավարության օրենսգրքի 5-րդ, 101-րդ, 109-րդ, 189-րդ, 191-րդ, 192-րդ, 234.12, 360-րդ և 362-րդ հոդվածներով՝ Դատարանը

Վ Ճ Ո Ւ Ց Ց

1. Բավարարել «Բիլդինգ Կապիտալ» սահմանափակ պատասխանատվությամբ ընկերության հայցն ընդդեմ ՀՀ Քաղաքաշինության կոմիտեի՝ որոշումն անվավեր ճանաչելու և «Պրո Շին» ՍՊԸ և «Բիլդինգ Կապիտալ» ՍՊԸ կոնսորցիումի կողմից ներկայացված հայտը մերժելուն պարտավորեցնելու պահանջների մասին:

1.1. Անվավեր ճանաչել թիվ «ՀՀՔԿ-ՀԲՄԱՇՁԲ-23/13» ծածկագրով գնման ընթացակարգի գնահատող հանձնաժողովի 04.03.2024թ. կազմված թիվ 2-7 արձանագրությամբ ընդունված՝ «Պրո Շին» ՍՊԸ և «Բիլդինգ Կապիտալ» ՍՊԸ կոնսորցիումին պայմանագիր ստորագրելու իրավունքից զրկելու և գնման ընթացակարգը չկայացած հայտարարելու մասին ընդունված որոշումները:

1.2. Պարտավորեցնել գնման ընթացակարգի գնահատող հանձնաժողովին մերժել «Պրո Շին» ՍՊԸ և «Բիլդինգ Կապիտալ» ՍՊԸ կոնսորցիումի կողմից ներկայացված հայտը:

2. ՀՀ Քաղաքաշինության կոմիտեից հոգուտ «Բիլդինգ Կապիտալ» սահմանափակ պատասխանատվությամբ ընկերության բռնագանձել 100.000 ՀՀ դրամ նախապես

վճարված պետական տուրքի գումար:

Վճիռն ուժի մեջ է մտնում հրապարակման պահից և կարող է բողոքարկվել ՀՀ վերաքննիչ քաղաքացիական դատարան:

Վճիռը կամովին չկատարվելու դեպքում այն կկատարվի պարտապանի հաշվին դատական ակտերի հարկադիր կատարումն ապահովող ծառայության միջոցով:

**Դ Ա Տ Ա Վ Ո Ր`
Գ Բ Ի Գ Ո Ր Յ Ա Ն**

Գ.



Տվյալ ֆայլերին կարող եք ծանոթանալ նաև մուտք գործելով "[Էլեկտրոնային դատավարություն](http://cabinet.armlex.am)" համակարգ՝ cabinet.armlex.am